

UMS Johan Kejuhanan Bola Jaring Piala Toh Puan 2014

Published: Tuesday, 18 November 2014 16:35 | [Print](#) | Hits: 874

Share 0

Recommend

Share 0

Tweet

Share

G+ Share 0



SELASA, 18 NOVEMBER - Meskipun berdepan cabaran menentang nama-nama besar, ia sedikit pun tidak melunturkan semangat juang Universiti Malaysia Sabah (UMS) untuk merangkul pingat emas pada Kejuhanan Bola Jaring Piala Toh Puan 2014 baru-baru ini.

Mula bermain dengan corak perlahan pada pusingan akhir menentang Persatuan Bekas Penuntut Maktab Sabah (OSCA), kedua-dua pasukan terikat dengan jaringan 6-6 pada separuh masa pertama.

Rentak permainan bertukar pantas apabila kedua-dua pasukan saling berbalas serangan dengan jaringan-jaringan cantik pada separuh masa kedua yang menyaksikan UMS terus unggul dengan kemenangan bergaya 15-13 menewaskan pasukan OSCA di tempat kedua.

Dalam pada itu, ketua pasukan UMS, Echristella Geordie Akup ketika ditemui berkata, kejayaan mereka diraih hasil semangat berpasukan dan keyakinan tinggi yang dipamerkan oleh para pemain.

“Kejayaan ini akan menjadi penyuntik semangat untuk kami terus memberi saingan pada kejuhanan-kejuhanan yang akan datang,” tambahnya lagi.

Kejuaraan itu juga sekali gus membolehkan UMS menerima hadiah berupa wang tunai RM 1,000, piala pusingan serta piala iringan.

Seorang pemain UMS, Dayang Anak Manggie turut dinobatkan sebagai Pemain Terbaik kejuhanan.

Kejuhanan anjuran Persatuan Bola Jaring Sabah (SABANA) itu dirasmikan isteri Yang Di-Pertua Negeri Sabah, Toh Puan Datuk Seri Panglima Hajah Norlida Datuk R.M Jasni. -ZMD

Bahagian Media dan Citra
Jabatan Canselori